

firmitate sua voluntas ipsa succumberet, & ideo perseverare non possent, quia deficien-tes infirmitate nec vellent, aut non ita vellent infirmitate voluntatis ut possent. Subventum

*Gratia, qua est igitur infirmitati voluntatis humanæ, ut di-
firma-
voluntati
subvenit,
eam inde-
clinabiliter
& insupe-
rabiliter
agit.*

vina gratia indeclinabiliter & insuperabiliter ageretur; & ideo, quamvis infirma, non tam-amen deficeret, neque adversitate aliqua vin-
ceretur. Ita factum est, ut voluntas hominis invalida & imbecilla in bono adhuc parvo per-severaret per virtutem Dei: cùm voluntas primi hominis fortis & sana in bono ampliore non perseveraverit, habens virtutem liberi arbitrii; quamvis non defuturo adjutorio Dei sine quo non posset perseverare si vellet, non tamen tali quo in illo Deus operaretur ut vel-let. Fortissimo quippe dimisit atque permisit facere quod vellet: infirmis servavit, ut ipso donante invictissimè quod bonum est vellent, & hoc deserere invictissimè nollent. Dicente ergo Christo: *Rogavi pro te ne deficiat fides tua; intelligamus ei dictum a, qui ædificatur super petram.* Atque ita homo Dei non solùm quia misericordiam consecutus est ut fi-delis esset, verùm etiam quia fides ipsa non deficit, *qui gloriatur, in Domino glorietur.*

*Luca 22.
32. a*
**CAPUT
XIII.
Prædesti-
natorum
certus &
definitus
est nume-
rus.**
Ps. 39. 6.
HÆC de his loquor, qui prædesti-nati sunt in regnum Dei, quorum ita certus est numerus, ut nec addatur eis quisquam, nec minuatur ex eis: non de his, qui, cùm annuntiasset & locutus esset, multiplicati sunt super numerum. Ipsi enim vocati dici pos-sunt, non autem electi, quia non secundùm propositum vocati. Certum verò esse nume-
rum

a Plures MSS. quæ ædificatur. In proximè sequente ver-su abest, homo Dei, à plerisque MSS.

rum electorum, neque augendum neque mi-nuendum, quamvis & Joannes baptista signi-ficeret, ubi dicit: *Facite ergo fructum dig-
num pœnitentiae;* & nolite dicere apud vos-metipos: *Patrem habemus Abraham; po-*
tens est enim Deus de lapidibus istis susci-
tare filios Abrahæ; ut ostendat sic istos es-se amputandos si non fecerint fructum, ut non desit numerus qui promissus est Abrahæ:
tamen apertius in Apocalypsi dicitur: *Tene Apoc. 3.11.
quod habes, ne alius accipiat coronam tuam.*
Si enim aliis non est accepturus nisi iste per-diderit, certus est numerus.

Matt. 3. 8.

40. Quòd autem etiam perseveraturis sanc-tis sic ista dicuntur, quasi eos perseveratu-ros habeatur incertum; non aliter hæc audire de-bent, quibus expedit non altum sapere, sed timerè. Quis enim ex multitudine fidelium, quamdiu in hac mortalitate vivitur, in nume-ro prædestinatorum se esse præsumat? Quia id occultari opus est in hoc loco, ubi sic cavenda est elatio, ut etiam per satanæ An-gelum, nè extolleretur, tantus colaphizare-
*2. Cor. 12.
7.*
tur Apostolus. Hinc Apostolis dicebatur: *Si Joan. 15. 7.
manseritis in me;* dicente illo, qui eos uti-que sciebat esse mansuros. Et per Prophe-tam: *Si volueritis & audieritis me;* cùm *Isaia 1.19.
sciret ipse in quibus operaretur & velle.* Et *Phil. 2. 13.*
similia multa dicuntur *a.* Nam propter hujus utilitatem secreti, ne fortè quis extollatur, sed omnes etiam qui bene currunt timeant, dum occultum est qui perveniant: propter hujus ergo utilitatem credendum est quos-dam de filiis perditionis, non accepto dono Propter per-
perseverandi usque in finem, in fide quæ per etiam non per-
y 2 di- per-

a Am. & Er. omitunt, Nam. Habent nostri MSS.

dilectionem operatur incipere vivere, & alii perseveranturos admissentur.

a. quamdiu fideliter ac justè vivere, & postea cadere, neque de hac vita priùsq[ue]m hoc eis contingat auferri. Quorum si nemini contigisset, tamdiu haberent homines istum saluberrimum timorem, quo vitium elationis opprimitur, donec ad Christi gratiam qua p[ro]e vivitur pervenirent, deinceps jam securi numquam se ab illo esse casuros. Quæ præsumtio in isto temptationum loco non expedit, ubi tanta est infirmitas, ut superbiam possit generare securitas. Denique etiam hoc erit, sed tunc a, quod jam est in Angelis, etiam in hominibus erit, quando ulla superbia esse non poterit. Numerus ergo sanctorum per Dei gratiam Dei regno prædestinatus, donata sibi etiam usque in finem perseverantia, illuc integer perducetur, & illuc integerrimus jam sine fine beatissimus servabitur, adhærente sibi misericordia Salvatoris sui, sive cùm convertuntur, sive cùm præcliantur, sive cùm coronantur.

41. Nam & tunc esse illis Dei misericordiam necessariam sancta Scriptura testatur, ubi sanctus de Domino Deo suo dicit animæ suæ: *Qui coronat te in miseratione & misericordia*. Dieit etiam Jacobus Apostolus: *Judicium sine misericordia illi qui non fecit misericordiam*; ubi ostendit etiam in illo iudicio, in quo justi coronantur, injustique damnantur, alios cum misericordia, alios sine misericordia judicandos. Propter quod etiam mater Machabæorum filio suo dicit: *Ut in illa miseratione cum fratribus te recipiam*.
 2. Mach. 7.
 29. Prov. 20.
 sec. LXX. Cum enim rex justus, sicut scriptum est, se-

^a Nonnulli MSS. sed tunc quando quod jam est.

sederit in throno, non adversabitur ante eum omne malum. Quis gloriabitur castum se habere cor, aut quis gloriabitur mundum se esse à peccato? Ac per hoc etiam ibi Dei misericordia necessaria est, qua a fit beatus, cui non imputavit Dominus peccatum. Sed tunc pro bonorum operum meritis justo iudicio etiam ipsa misericordia tribuetur. Cùm enim dicitur: *Judicium sine misericordia illi qui non fecit misericordiam*; manifestatur in his in quibus inveniuntur bona opera misericordiæ, iudicium cum misericordia fieri; ac per hoc etiam ipsam misericordiam meritis bonorum operum reddi. Non sic est nunc, quando non solum nullis bonis, sed etiam multis malis operibus præcedentibus, misericordia ejus prævenit hominem, ut liberetur à malis, & quæ fecit, & quæ facturus fuerat nisi Dei gratia b regeretur, & quæ passurus fuerat in æternum nisi erueretur à potestate tenebrarum, & transferretur in regnum Filii caritatis Dei. Verumtamen quia & ipsa vita æterna, quam certum est bonis operibus debitam reddi, à tanto Apostolo gratia Dei dicitur, cùm gratia non operibus reddatur, sed gratis detur; sine ulla dubitatione confitendum est, ideo gratiam vitam æternam vocari, quia his meritis redditur, quæ gratia contulit homini. Rectè quippe ipsa intelligitur quæ c in Evangelio legitur: *Gratia pro gratia*; id est, pro his meritis quæ contulit gratia.

42. Hi verò qui non pertinent ad hunc diversi prædestinatorum numerum, quos Dei gratia meritis puris intenduntur.

^{Psal. 31.2.}
Misericordia in extre-
mo iudicio pro
bonorum
operum
meritis jus-
to iudicio
piis retrí-
buetur.

^b Col. 1. 13.

<sup>Vita æter-
na merces
& gratia.</sup>
Rom. 6. 23.

^c Joan. 1.
16.

<sup>Reprobi-
si-</sup>

^{X 3}
 a Am. Er. & aliquot MSS. sicut. Duo MSS. stat.
 b Sic novem MSS. Editi verò regeneraretur.
 c Am. Er. & plures MSS. quæ gratia in Evangelio.

sive nondum habentes ullum liberum suæ voluntatis arbitrium , sive cum arbitrio voluntatis , ideo verè libero , quia per ipsam gratiam liberato , perducit ad regnum : hi ergo qui non pertinent ad istum certissimum & felicissimum numerum , pro meritis justissimè judicantur . Aut enim jacent sub peccato , quod originaliter generatione traxerunt , & cum illo hæreditario debito hinc exeunt , quod non est regeneratione dimissum ; aut per liberum arbitrium alia insuper addiderunt : arbitrium , inquam , liberum , sed non liberatum ; liberum justitiae , peccati autem servum , quo voluntur per diversas noxias cupiditates , alii magis , alii minus ; sed omnes mali , & pro ipsa diversitate diversis suppliciis judicandi . Aut gratiam Dei suscipiunt , sed temporales sunt , nec perseverant ^a ; deserunt & deseruntur . Dimissi enim sunt libero arbitrio , non accepto perseverantia dono , judicio Dei justo & occulto .

CAPUT XIV.
Correptio & gratia , non se invicem tollunt .
Correptioni ni
43. PATIANTUR ergo homines se corripi quando peccant , nec de ipsa correptione contra gratiam argumententur , nec de gratia contra correptionem : quia & peccatis justa poena debetur , & ad ipsam pertinet iusta correptio , quæ medicinaliter adhibetur , etiam si salus ægrotantis incerta est : ut si is qui corripitur ad prædestinorum numerum pertinet , sit ei correptio salubre medicamentum ; si autem non pertinet , sit ei correptio penale tormentum . Sub isto ergo incerto ex caritate adhibenda est , cuius exitus ignoratur ; & pro illo cui adhibetur , orandum est ut sanetur . Cùm autem homines per correptionem

^a Duo MSS. sed deserunt .

nem in viam justitiae seu veniunt seu revertuntur , quis operatur in cordibus eorum salutem , nisi ille qui quolibet plantante atque rigante , & quilibet in agris vel arbustulis operante dat incrementum Deus ; cui volenti salvum facere nullum hominum resistit arbitrium ? Sic enim velle seu nolle in volentis ait nolentis est potestate , ut divinam voluntatem non impedit , nec supereret potestatem . Etiam de his enim qui faciunt quæ non vult , facit ipse quæ vult .

44. Et quod scriptum est , quod *Vult omnes homines salvos fieri* ; nec tamen omnes salvi fiunt , multis quidem modis intelligi potest , ex quibus in aliis * opusculis nostris aliquos commemoravimus ; sed hic unum dicam . Ita dictum est : *Omnes homines vult salvos fieri* ; ut intelligantur omnes prædestinati ; quia omne genus hominum in eis est . Sicut dictum est Pharisæis : *Decimatis omnem olus* ; ubi non est intelligendum nisi omne quod habebant ; neque enim omne olus quod erat in toto terrarum orbe decimabant . Secundum istum locutionis modum , dictum est : *Sicut & ego omnibus per omnia placebo* . Numquid enim qui hoc dixit , placebat etiam tam multis persecutoribus suis ? Sed placebat omni generi hominum , quod Christi congregabat Ecclesia , siue jam intus positis , sive introducendis in eam .

45. Non est itaque dubitandum , voluntati Dei , qui *in cœlo & in terra omnia quæcumque voluit fecit* , & qui etiam illa *quæ futura sunt fecit* , humanas voluntates non posse resistere , quominus faciat ipse quod vult : quandoquidem etiam de ipsis hominum voluntatibus , quod vult , cùm vult , facit . Nisi fortè (ut ex multis aliqua commorem) quando Deus voluit Saüli regnum

ni conjun-
genda ora-
tio .

I. Tim. 2.

4. Omnes ho-
mines quo-
modo Deus
salvos tieri
velit .

* Enchirid.
c. 103. lib.
22. de civi-
tat. Dei c. I.
§ 2. § ru-
præ lib. 4.
contra Ju-
lian. c. 8.

Lucæ II.
42.

I. Cor. 10.
33.

Psal. 134.
6.
Isai. 45.
sec. LXX.
Exempla
Scripturæ,
quibus pro-
batur Deum
magis ha-
bere in sua
potestate

vo-

voluntates hominum, quam ipsi suas. dare, sic erat in potestate Israelitarum subdere se memorato viro, sive non subdere, quod utique in eorum erat positum voluntate, ut etiam Deo valerent resistere. Qui tamen hoc non fecit, nisi per ipsorum hominum voluntates, sine dubio habens humanorum cordium quod placeret inclinandorum omnipotentissimam potestatem. Sic enim scriptum est: *Et dimisit Samuel populum, & abiit unusquisque in locum suum; & Saül abiit in domum suam in Gabaa; & abierunt potentes quorum tetigit Dominus corda cum Saüle.*

^a *Et filii pestilentes dixerunt: Quis salvabit nos? Hic?* Et inhonoraverunt eum, & non adulterunt ei munera. Numquid aliquis dicturus est, non iturum fuisse cum Saül quemquam eorum, quorum tetigit corda Dominus ut irent cum illo; autisse aliquem pestilentum, quorum ut hoc facerent corda non tetigit? Item de David, quem Dominus in regnum successu prospiore constituit, ita legitur: *Et ambulabat David proficiens, & magnificabatur, & Dominus erat cum illo.* Hoc cum præmissum fuisse, paulò post dictum est: *Et Spiritus induit Amasai principem triginta, & dixit: Tui sumus, o David, & tecum futuri, fili Jesse. Pax, pax tibi, & pax adjutoribus tuis, quia auxiliatus est tibi Deus.* Numquid iste posset adversari voluntati Dei, & non potius ejus facere voluntatem, qui in ejus corde operatus est per Spiritum suum quo induitus est, ut hoc vellet ^b, diceret, & fa-

^{1. Par. II.} ^{9.} *Et ambulabat David proficiens, & magnificabatur, & Dominus erat cum illo.* Hoc cum præmissum fuisse,

^{1. Par. XII.} ^{18.} paulò post dictum est: *Et Spiritus induit Amasai principem triginta, & dixit: Tui sumus, o David, & tecum futuri, fili Jesse. Pax, pax tibi, & pax adjutoribus tuis, quia auxiliatus est tibi Deus.* Numquid iste posset adversari voluntati Dei, & non potius ejus facere voluntatem, qui in ejus corde operatus est per Spiritum suum quo induitus est, ut hoc vellet ^b, diceret, & fa-

^c *a Sic MSS. juxta LXX. At. Am. Er. Num salvabit nos hic? Lov. Numquid salvabit nos hic?*

^b *Quinque MSS. vellet dicere & facere, Sorbonicus, vellet, diceret, vellet & faceret: forte pro, vellet, diceret vellet & facere.*

ceret? Item paulò post eadem Scripturas *Ibid. 38.* Omnes hi viri bellatores, dirigentes aciem corde pacifico venerunt in Hebron, ut constituerent David super omnem Israël. Sua voluntate utique isti constituerunt regem David. Quis non videat? Quis hoc neget? Non enim hoc non ex animo, aut non ex bona voluntate fecerunt ^a, quod fecerunt corde pacifico; & tamen hoc in eis egit, qui in cordibus hominum quod voluerit operatur. Propter quod præmisit Scriptura: *Et ambulabat David proficiens, & magnificabatur, & Dominus omnipotens erat cum illo.* Ac per hoc Dominus omnipotens qui erat cum illo, adduxit istos ut eum regem constituerent. Et quomodo adduxit? Numquid corporalibus ullis vinculis alligavit? Intus egit, corda tenuit, corda movit, eosque voluntatibus eorum, quas ipse in illis operatus est, traxit. Si ergo cum voluerit reges in terra Deus constituere, magis habet in potestate voluntates hominum quam ipsi suas, quis aliud facit ut salubris sit correptio, & fiat in correpti corde correctio, ut cælesti constituatur in regno?

46. CORRIPLANTUR itaque à præpositis suis subditi fratres correptionibus de caritate venientibus, pro culparum diversitate diversis, vel minoribus vel amplioribus. Quia & ipsa quæ damnatio nominatur, quam facit episcopale judicium, qua poena in Ecclesia nulla major est, potest, si Deus voluerit, in correptionem saluberrinam cedere atque proficere. Neque enim scimus quid contingat sequenti die; aut ante finem vite hujus de aliquo desperandum est; aut contradici Deo

CAPUT
XV.
Correptio
pro culpa-
rum diver-
sitate di-
versa.
Excommu-
nicatione
poena ma-
jor in Ec-
clesia non
est.

^c *b Hic ex uno Vatic. MS. addimus, quod fecerunt.*

potest , ne respiciat & det poenitentiam , & accepto sacrificio spiritus contribulati cordis que contriti à reatu quāvis justæ damnationis absolvat , damnatumque ipse non damnet.

Pastoralis tamen necessitas habet , ne per plures serpent dira contagia , separare ab ovibus sanis morbidam ; ab illo , cui nihil est impossibile , ipsa forsitan separatione sanandam. Nescientes enim quis pertineat ad prædestinationum numerum , quis non pertineat : sic affici debemus caritatis affectu , ut omnes velimur salvos fieri. Hoc quippe fit , cùm singulos quosque , ut occurrerint cùm quibus id agere valeamus , ad hoc conamur adducere , ut justificati ex fide pacem habeant ad Deum:

quam prædicabat etiam Apostolus , cùm dicebat : *Pro Christo ergo legatione fungimur , tamquam Deo exhortante per nos obsecramus pro Christo , reconciliari Deo.* Quid est enim ei reconciliari , nisi pacem ad illum habere? Propter quam pacem etiam ipse Dominus Jesus dixit discipulis suis : *In quācumque domum intraveritis , primum dicite : Pax huic domui : & si ibi fuerit filius pacis , requiescat super illum pax vestra ; sin autem , ad vos revertetur.* Cùm hanc evangelizant

Luca 10. 5.

Isai. 52. 7.

pacem , de quibus prædictum est : *Quām speciosi pedes eorum qui annuntiant pacem , qui annuntiant bona!* nobis quidem tunc incipit esse quisque filius pacis , cùm obedierit & crediderit huic Evangelio , & ex fide justificatus pacem ad Deum habere cooperit: secundūm autem prædestinationem Dei jam filius pacis erat. Neque enim dictum est : *Super quem requieverit pax vestra , sicut filius pacis :* sed , *si ibi fuerit , inquit , filius pacis ,*

eis , requiescat super a illam domum pax vestra. Jam ergo & antequām illi annuntiaretur hæc pax , filius pacis ibi erat , sicut eum noverat atque præscierat non Evangelista , sed Deus. Ad nos ergo qui nescimus quoniam sit filius pacis , aut non sit , pertinet nullum exceptum facere , nullumque discernere; sed velle omnes salvos fieri , quibus prædicamus hanc pacem. Neque enim metuendum est ne perdamus eam , si ille cui prædicamus , non est filius pacis , ignorantibus nobis : ad nos enim revertetur , id est , nobis proderit ista prædicatio , non & illi : si autem super eum pax prædicata requieverit , & nobis , & illi.

47. Quia ergo nos qui salvi futuri sint nescientes , omnes quibus prædicamus hanc pacem , salvos fieri velle Deus jubet , & ipse in nobis hoc operatur , diffundendo istam caritatem in cordibus nostris per Spiritum sanctum qui datus est nobis ; potest etiam sic intelligi , quod omnes homines Deus vult salvos fieri ; quoniam nos facit velle : sicut misit Spiritum Filii sui clamantem , *Abba , pater* , id est , nos clamare facientem. De ipso quippe Spiritu alio loco dicit : *Accipimus Spiritum adoptionis filiorum , in quo clamamus , Abba , pater.* Nos ergo clamamus , sed ille clamare dictus est , qui efficit ut clamemus. Si ergo clamantem Spiritum recte dixit Scriptura , à quo efficitur ut clamemus ; recte etiam volentem Deum à quo efficitur ut velimus. Ac per hoc , quia & corripiendo nihil aliud debemus agere , nisi ut ab

Rom. 5. 5.
Alia inter-
pretatio lo-
ci Apost:

*Qui vult
omnes ho-
mines sal-
vos fieri.*

I. Tim. 2.

Gal. 4. 6
Rom. 8. 15.

^a Ita hoc loco MSS. Ad editi habent , super eum : & omittunt , domum.

ista pace quæ est ad Deum non recedatur, aut ad eam qui recesserat revertatur, nos agamus sine desperatione quod agimus. Si filius pacis est quem corripimus, requiescat super eum pax nostra; sin autem, ad nos revertetur.

*i. Tim. 2.
29.*

48. Quamvis itaque etiam dum quorundam fides subvertitur, firmum Dei fundamentum stet, quoniam scivit Dominus qui sunt ejus: non tamen ideo nos pigri & negligentes esse debemus in corripiendis, qui corripiendi sunt. Neque enim frustra dictum est:

*2. Cor. 15.
33.
1. Cor. 8.
11.*

Corrumpunt mores bonos colloquia mala: & a Peribit infirmus in tua scientia, frater, propter quem Christus mortuus est. Non argumentemur contra ista præcepta salubremque terrorem dicentes: Et corrumpant mores bonos colloquia mala, & pereat infirmus, quid ad nos? Firmum fundamentum Dei stat, &

** CAPUT
XVI.
Joan. 17.
12.
Ezech. 3.
18.*

*nemo perit, nisi filius perditionis. * ABSIT ut ista garrientes, securos nos in hac negligencia esse debere credamus. Verum est enim,*

quia nemo perit, nisi filius perditionis: sed ait Deus per Ezechielem prophetam: Ille quidem in peccato suo morietur, sanguinem verò ejus de manu speculatoris requiram.

49. Proinde quantum ad nos pertinet, qui prædestinatos à non prædestinatis discernere non valemus, & ob hoc omnes salvos fieri velle debemus; omnibus, ne pereant, vel ne alios perdant, adhibenda est a nobis medicinaliter severa correptio: Dei est autem illis eam facere utilem, quos ipse præcivit & prædestinavit conformes imaginis Filii sui. Si enim aliquando timore non corripimus, ne aliquis inde pereat; cur non etiam timore cor-

Rom. 8.29.

*ri-
præ-*

** In MSS. Perit.*

ripimus, ne aliquis inde plus pereat? Neque enim dilectionis viscera majora gestamus quam beatus Apostolus, qui dicit: *Corripite inquietos, consolamini pusillanimos, suscipite infirmos, patientes estote ad omnes; videte*

*1. Thess. 5.
14.*

ne quis malum pro malo alicui reddat. Ubi Correptione non malum, sed bonum pro malo redditur.

*1. Tim. 5.
20.*

Publicè publica tamquam corripienda peccata.

*Mat. 18.
15.
Ibid. 17.*

Dicit etiam: Si peccaverit in te frater tuus, corripe eum inter te & ipsum. Verumtamen & ipse severitatem correptionis eò usque perducit, ut dicat: Si nec Ecclesiam audierit, sit

tibi tamquam ethnicus & publicanus. Et quis magis dilexit infirmos, quam ille qui pro omnibus est factus infirmus, & pro omnibus ex ipsa est infirmitate crucifixus? Quæ cùm ita sint, nec gratia prohibet correptionem, nec correptio negat gratiam: & ideo sic est præcipienda justitia, ut à Deo gratia qua id quod

præcipitur fiat, fideli oratione poscatur: & hoc utrumque ita faciendum est, ut neque justa correptio negligatur. Omnia verò hæc cum caritate fiant: quoniam caritas nec facit peccatum, & cooperit multitudinem peccatorum.

1. Pet. 4.8.

* * * * *

AD SUBSEQUENTES DUOS LIBROS,
unum de Prædestinatione sanctorum , alterum
de dono Perseverantie,

Admonitio petita ex Lovaviensium editione.

POSTquam in Gallias allati fuere libri quidam Augustini contra pelagianos scripti , non paucorum illic animos offenderunt ; non modò de communi doctorum vulgo , sed quorundam etiam presbyterorum ac episcoporum qui & pietate & eruditione celebres & commendati habebantur : adeò ut multi quoque Augustini doctrinæ faventes , eorum auctoritatem reveriti , à meliore sententia revocarentur , aut eam certè profiteri publicè non auderent. Verùm alii quidam cordatores firmioresque , inter quos præcipui Prosper & a Hilarius , sententies eos pelagiani erroris vel incautos negotium agere , quosdam verò rem non intellectam imperitè calumniali ; fortiter se iis opposuere. Quibus cùm per omnia satisfacere non possent , re ad Augustinum relata rogant ut quæ in ejus libris , præsertim de Correptione & Gratia , quosdam suorum offendebant , clarius dissertiūsque explicare dignaretur. Ea verò quæ sint , ex subjectis utriusque epistolis cognoscere licebit. Hac occasione scripsit Augustinus sequentes libros duos , alterum de Prædestinatione sanctorum , alterum de dono Perseverantie. Sed adeò nec his-

a Hilarium hunc Arelatensem appellant Lovanienses , sed falso. Vide annotationem ad Hilarii epistolam , infra.

his quidem satisfactum hominibus illis fuit , ut Augustini doctrinam ac libros magis etiam magisque aversarentur , multa in eis imperitè malitiosèque calumniantes. Unde factum ut adversus eorum reprehensiones Prosper defuncto jam Augustino varios ediderit apologeticum libellos : cujus generis sunt præter alios , ad capitula Gallorum , ad objections Vincentianas , ad excerpta Genuensium , & adversus Collatorem responsiones. Quibus cùm eorum inscitiam & calumnias clarissimè coarguisset , ut erubescere jam meritò etiam deberent , maiores tamen postea motus concitarunt , nec Prospero jam & Hilario parcentes : ut coacti fuerint ad Apostolicam Sedem confugere , quam eo tempore Cælestinus pontifex gubernabat. Is rem totam ab eis edoctus ad Galliæ Episcopos quosdam litteras mittit , quibus Augustinum & doctrinam ejus tuetur ac prædicat , obtrectatores ejus graviter coarguit , episcopis mandat ut eis silentium imponant. Sed ne sic quidem prorsus quievere. Quia enim Pontifex libros eos quos illi tam odiosè traducebant , vide- licet de Correptione & Gratia , de Prædes- tinatione sanctorum , de Perseverantie dono , nominatim non expresserat titulis eos suis de signans ; post Cælestini mortem ajebant non eos fuisse approbatos , nec propter illos com mendatum auctorem , sed pro anteriorum scriptorum meritis laudationem istam in eum fuisse collatam : ut testis est Prosper sub finem libri contra Collatorem. Quocirca tem- pore a Felicis Papæ IV. celebratum fuit in Arausicana civitate concilium , quod est ejus lo-

a Hic rursum corrigendi Lovanienses ; qui Arausianum istud II. concilium jussu Leonis Papæ I. celebratum di- cunt.

loci secundum, in quo renovata & iteratè confirmata est catholica & apostolica, eademque Augustini de Gratia & Libero arbitrio doctrina, canonibus ipsi ex Augustini libris passim decerpit. Quæ omnia in Appendice, part. 2. reperire licebit. Ceterum quòd horum duorum librorum in Retractationib[us] suis non meminerit Augustinus, inde factum, quòd eum hæc scriberet, jam duos Retractationum libros ediderat, quemadmodum ipsem in frâ testatur libro primo, cap. 3. & libro secundo, cap. II.

His præsertim ex libris Augustini agnoscí voluit Hormisdas Papa, quid Romana & Catholica Ecclesia de libero arbitrio & gratia Dei profiteatur. Cujus Pontificis auctoritate libros eosdem episcopi Africani pro fide in Sardinia exsules maximè commendant in Epistola synodica. Præ omnibus, inquit, studium gerite, quos ad Prosperum & Hilarium scripsit, memoratis fratribus legendos ingerere. Quorū mentionem beatæ memoriarie Hormisdas Sedis Apostolice gloriosus Antistes in epistola, quam consulenti se sancto fratri consacerdotique nostro Possessori rescripsit, cum magno præconio catholicæ laudis inseruit; cuius hæc verba sunt: De arbitrio tamen libero & Gratia Dei, QUID ROMANA, HOC EST, CATHOLICA SEQUATUR ET SERVET ECCLESIA, licet in variis libris beati Augustini, & maximè ad Prosperum & Hilarium abundè possit agnosci, tamen & in scriniis ecclesiasticis expressa capitula continentur.

PROS-

PROSPERI AD AUGUSTINUM
de reliquiis Pelagianæ hæreseos in Gallia sobolescentibus, deque hujusmodi hominum querelis adversus Prædestinationis & Gratiæ doctrinam superioribus ipsius Augustini opusculis, præsertim libro de Corruptione & Gratia explicatam,

EPISTOLA INTER AUGUSTINIANAS CCXXV.

Domino beatissimo Papæ, ineffabiliter mirabili, incomparabiliter honorando, prætantissimo patrono, AUGUSTINO, PROSPER.

I. **IGNOTUS** quidem tibi facie, sed jam aliquatenus, si reminiscaris, animo ac sermone compertus; nam per sanctum fratrem meum Leontium diaconum misi a epistolas, & recepi; nunc quoque beatitudini tue scribere audeo, non solum salutationis, ut tunc, studio, sed etiam fidei, qua Ecclesia vivit, affectu. Excubante enim pro universis membris corporis Christi vigilissima industria tua, & adversus hæreticarum doctrinarum insidias veritatis virtute pugnante, nullo modo mihi verendum putavi, ne onerosus tibi, aut importunus essem in eo, quod ad multorum salutem, ac perinde ad pietatem tuam pertinet: cùm potius reum futurum esse merecerem, si ea, quæ valde perniciosa es-

TOM. IV.

a Quatuor MSS. epistola.

